

大佛頂首楞嚴經表解

四空天，析色能歸空？
示染緣起徧成輪迴

表解P. 164-171
講義P. 481-483，
P. 1123-1144，
1333-1337

講師 湛然
(蔡玉鳳老師)

日期: 2022. 07. 21

是有所有

此處應接上科「由性明心，性明圓故，因明發性，性妄見生，從畢竟無，成究竟有。」

分段妄生

再接是有所有

是有 指能有之無明

由無名力攪塵結根，所以分段之身相妄生

因此界立

因此亦前後左右之界相，亦虛妄成立矣。

非因所因

非因 無明本非能因 因迷妄，似有所因之無明，與能因之世界也。（此因係作生因解所因 世界亦非所因）。

無住所住

無住 世界為能住 既有能因所因，亦似有能住所住之法也。
所住 無明為所住

遷流不住

因此世成

既本無而似有，則必妄執四大以為身，從始洎終，念念生滅，所以成過現未來，遷流不住

三世四方

和合相涉

以三世涉入四方，四方各有三世，則四三成十二
以四方涉入三世，三世各有四方，則三四成十二

即前「身中質遷，世界相涉」。

變化衆生

成十二類

由此世界相涉，不思議熏，不思議變，故變化衆生，亦應其數，成十二類。
是知十二類生，皆由一念無明妄心之所熏變也。

是故世界

因動有聲

此明熏變之相，是由無明妄力之故，則有世界妄生。推原其故，因無明風動，動則有聲，故曰「因動有聲」。前云「卷聲成耳」即在此時。

因聲有色

因動念習氣，熏成形相，又聞其聲，必尋其色故。前云「結色成眼」即在此時。

因色有香

因色境反熏妄心，見色生染，自覺有香故。前云「納香成鼻」即在此時。

因香有觸

因香熏起妄心，聞香欲取，生起觸覺故。前云「搏觸成身」即在此時。

因觸有味

因心境相觸，而生愛著，口發愛涎故。前云「絞味成舌」即在此時。

因味知法

因愛味不忘，塵影常現，攬為法塵故。前云「攬法成意」即在此時。


六亂妄想
成業性故
十二區分
由此輪轉
是故世間
聲香味觸
窮十二變
為一旋復

由上根塵相對，識生其中，六亂妄想（即識緣境，其用不定，其體無實），起諸煩惱，造成業性（業性即十二類顛倒，以為十二類生，受生之因），業因既成，隨感業報，故有十二區分，受生之果，由此輪轉諸趣，生死不休也。

是依因感果，成十二輪轉之故。世間六塵，亦隨類生轉變，如一聲塵，類類不同，對類變化，必至窮十二變，乃為一週，一週既圓，再起第二旋復。（旋復即輪迴義），必依六塵為變化者，以六塵為造業之緣，業性為輪迴之因，因緣和合，輪迴不息。故類生常有矣。

十二類生

十二類生不出情想合離，前四生為常，後八生為變，前云更相變易也。分為三類：



一、卵生

由因世界 由因世界六塵窮第一變，而有虛妄輪迴之卵生。

虛妄輪迴 以卵惟想生，虛妄即是想，由此妄想，展轉不息，故成輪迴性。

楞嚴經表解

一六五

楞嚴經表解

一六六

P.1132-1133

動顛倒故 此句屬惑，以想性輕舉為動，與不動真心相背，故名顛倒。……此上屬惑。

和合氣成 此為依惑所起之業，以卵因氣交，雌雄和合而成業，氣即業也。

八萬四千 八萬四千仍應勞之數，氣之剛者，成飛揚之亂想，氣之柔者，成沉滯之亂想也。

飛沉亂想

如是故有 此為依業受報之相。如是由上惑業之因，故惑有卵生衆生之果報，傳流展轉遍諸國土也。

卵羯邏藍

羯邏藍 此云「凝滑」。

流轉國土

魚鳥龜蛇

其類充塞

此為出其本類之名

氣剛飛揚者為鳥
氣柔沉滯者為魚

其數充塞，極其多也。

二、胎生

由因世界 由因世界六塵，窮第二變，而有雜染輪迴之胎生，以胎因情有，雜染即是情，由是雜染愛

雜染輪迴

情，展轉不息，故成輪迴性矣。

欲顛倒故

此句屬惑，以貪愛色境為欲，與清淨真心相背，故名顛倒。

和合滋成

此為依惑所起之業，以胎因性交，和合滋潤而成業，滋即業也。八萬四千為煩惱之數，情之

八萬四千

正者為豎，成人仙之亂想，情之偏者為橫，成龍畜生亂想也。

橫豎亂想

如是故有

此為依業受報之相。如是由上惑業之因，故惑有始生眾生之果報，流轉國土矣。

胎過蒲疊

過蒲疊 此云「蛇」。

流轉國土

人畜龍仙

此為出其本類之名

情正而豎立者，為人仙。

其類充塞

情偏而橫行者，為龍畜。

三、濕生

由因世界——由世界六塵，窮第三變，而有執著輪迴之濕生，以濕合感，執著即是合也。由是執情貪著，執著輪迴——展轉不息，故成輪迴。

趣顛倒故——此句屬惑，以趨炎附勢為趣，與湛寂真心相背，故名顛倒。

和合煖成——此依惑起業，以趨附陽氣為煖，趨勢圖利，翻覆無定故。

翻覆亂想

如是故有下——依業受報之相，如是之業，故感有濕生衆生之果報，流轉國土矣。

含蠢輾動——出本類名。蠢為含蠢，翻為輾動。

四、化生

變易輪迴

——由世界六塵，窮第四變，而有變易之化生，以化以離應，變易即是離也。由變故易新展轉不息，故成輪迴。

假顛倒故——此屬惑，以假托因依為假，與不變真心相背，故曰顛倒。

和合觸成——此依惑起業。以觸類而變，取此捨彼為觸，隨情任意，厭故喜新，故為新故亂想。

新故亂想

化相羯南

——此依業受報，即化生衆生之果報，流轉國土矣，羯南此云「硬肉」。

流轉國土

轉脫飛行——如蠶化為蛾，脫行為飛，雀化為蛤。脫飛為行、天、獄、鬼神等，亦皆化生。

五、有色

留碍輪迴

由世界六塵，窮第五變，而有留碍輪迴之有色，色質非通，即是留碍。強欲求明求通，展轉不息，故成輪迴。

障顛倒故

此句屬惑，以障碍難通，堅執求明求通，與妙明真心相背，故名顛倒。

和合著成

此依惑起業，以於難通處，求光明想為著，著即顯着。托波精華成已精耀，故名精耀亂想。

精耀亂想

。

休咎精明

出本類之名，或竊日月之精華，或盜星辰之明耀。吉者為休，凶者為咎，在物而為螢火蚌珠之類。

六、無色

銷散輪迴

此第六變，滅色歸空，是為銷散，展轉不息，是為輪迴。

惑顛倒故

此句屬惑，以色身障碍為患，必欲銷碍入空為惑。與性色真空相背，故名顛倒。

和合暗成

此句起業，以晦昧心靈，幽潛神識為暗。思欲滅色，暗昧陰隱，故名陰隱亂想。

陰隱亂想

P. 482

P. 1137

P. 1333

空散銷沉 對四空天說

空指空處，滅色歸空故。

散指識處，遍緣散亂故。

銷指無所有處，銷陰妄識故。

沉指非非想處，沉淪空頑故。

P. 1337

P. 1136

七、有想

周象輪迴——此第七變，但有想心，而無實色，若有若無，是為周象。

影顛倒故——此屬惑。謬執影像，邪妄失真，與法身實相相背，故名顛倒。

和合憶成——此句起業，以愛念憶想，托彼陰影為憶。潛神聖跡，結想狀貌，故為潛結亂想。

神鬼精靈——神鬼如東嶽城隍；精靈如山精鬼怪。

八、無想

愚鈍輪迴——此第八變，但有色，而無思想，毀棄聰敏，屏除知識，愚昧暗鈍故。

痴顛倒故——此屬惑。痴迷無智，謬計無情有命，金石堅牢，與妙明真心相背故。

和合頑成——此句起業。冥頑無知，以無想為真修故。

枯槁亂想——以念若死灰，心同槁木故。

精神化為
土木金石——如望夫石一類。

P. 1137-1138

P. 1138-1139

九、非有色

相待輪迴——此第九變。謂本非有色，藉物以成色，互相假待故。

偽顛倒故——以虛偽為心，假托形勢，與真如實際相背故。

和合染成——以依權藉勢，屈己從他故。

非有色相

成色羯南

——本來非色相，假借外物，成己之色，不能自用，待物有用，如水母……。

十、非無色

相引輪迴——此第十變。謂本非無色，因聲呼召，引發神識，則成無色相矣。

楞嚴經表解

一六九

楞嚴經表解

一七〇

性顛倒故——以迷惑自性，因隨符咒調遣，與不動真如相背故。

和合咒成——以隨邪咒呼召，而顯靈異故。

呼召亂想——以隨呼召聽從命令故。

非無色想

無色羯南

——本來非無色相，以應命無主而成無色矣。

咒咀厭生——有隨咒咀而靈異者，稱仙稱道。有隨厭禱而作祟者，為妖為怪，如報吉談凶，跳神扶乩等。

十一、非有想

合妄輪迴——此第十一變。謂本非想中傳命，乃合二妄，而成想相矣。

罔顛倒故——以性情罔昧，與圓明妙性相背故。

和合異成——以將他作自，取異為同故。

迴互亂想——以背親向他，納波從我故。

非有想相——謂波此異質，本非有想，欲成其相，但以二妄相合，竟成其相矣。

成想羯南——如蒲盧等，本異質而成形矣。

十二、非無想

怨害輪迴——此等十二變。謂本非無想之類，為懷怨圖害，含恨不釋，而成無想矣。

殺顛倒故——以至親父子，行至怨殺害，與慈悲忍辱相背故。

和合怪成——以出人意外，違背天理之怪誕故。

食父母想——父母至親竟敢吞食，誠絕滅倫常矣。

楞嚴經表解

一七一

非無想相——謂本非無有恩愛之想，後竟恩愛斷絕，而成無想矣。

無想羯南——如土梟、破鏡、之類，本有想，而成無想矣。

P. 112-1143

P. 1141-1142

卯初 卯生



阿難！由因世界，虛妄輪迴，動顛倒
故，和合氣成，八萬四千，飛沉亂想
。如是故有，卵羯邏藍，流轉國土，
魚、鳥、龜、蛇，其類充塞。

此卵生一類，由因世界顛倒，
虛妄有生。卵惟想生，虛妄即是想，
由虛妄想，展轉不息，故成輪迴性。

動顛倒屬惑，以想性輕舉為動，
與不動真心相背，是名顛倒之惑，
有惑必定起業。

和合氣成，八萬四千，飛沉亂想：

此依惑起業。卵以氣交，如雄鳴上風，
雌鳴下風，故名和合，氣即業也。

八萬四千：按塵勞之數。

氣有剛柔，剛者成飛揚之亂想，
柔者成沉滯之亂想。

如是故有，卵羯邏藍，流轉國土：
此依業受報之相。如是，指上惑業為因
；故有，即有因有果。卵羯邏藍：
此云凝滑，在胎初位，胎卵未分之相，
即所感之果，傳流展轉，徧諸國土。

魚、鳥、龜、蛇：此出本類之名；

氣剛飛揚者為鳥，氣柔沉滯者為魚等；

其類充塞，極言其多也。

卯二 胎生



由因世界，**雜染**輪迴，**欲**顛倒故，
和合滋成，八萬四千，橫豎亂想。
如是故有，胎遏蒲曇，流轉國土，
人、畜、龍、仙，其類充塞。

此胎生一類，亦因世界顛倒，
虛妄有生。胎因情有，**雜染**即是情，由
是雜染愛情，展轉不息，故成輪迴性。

欲顛倒屬惑，以色貪戀愛為欲，
與清淨真心相背，是名顛倒之惑，
有惑必定起業。

和合滋成，八萬四千，橫豎亂想：
此依惑起業；胎以精交，故名和合滋成。
滋即精交滋潤，即業也。
八萬四千，亦按塵勞之數。

情有偏正，豎者為正，成人仙之亂想；
橫者為偏，成龍畜之亂想。

如是故有，胎遏蒲曇，流轉國土：

此依業受報之相。如是，指上惑業為因；
故有，即有因有果。胎遏蒲曇，此云胞，
在胎二七，胎卵漸分之相。即所感之果，
傳流展轉，徧諸國土。

人畜龍仙：此出本類之名。

情正而豎立者，為人仙；

情偏而橫行者，為龍畜，其類充塞。

卯三 濕生



由因世界，執著輪迴，趣顛倒故，
和合煖成，八萬四千，翻覆亂想。
如是故有，濕相蔽尸，流轉國土。
含蠢蠕動，其類充塞。

此濕生一類，由因世界顛倒，
虛妄有生。濕以合感，執著即合也。由
是執情貪著，展轉不息，故成輪迴性。

趣顛倒屬惑，以趨勢附利為趣，
與湛寂真心相背，是名顛倒之惑，
有惑必定起業。

和合煖成，八萬四千，翻覆亂想：此依
惑起業，濕以聞香趨附，藉陽氣而生，
故名和合煖成，即業也。趨勢之輩，
惟利是圖，翻覆無定，故曰翻覆亂想。

如是故有，濕相蔽尸，流轉國土：

此依業受報之相。如是：指上惑業為因；故有：即有因有果。濕相蔽尸：

此云軟肉，即濕生初相。既不入胎，故無前二位。即所感之果，傳流展轉，徧諸國土。含蠢蠕動，此出本類之名，覆為含蠢，翻為蠕動，其類充塞。

卯四 化生



由因世界，變易輪迴，假顛倒故，
和合觸成，八萬四千，新故亂想。
如是故有，化相羯南，流轉國土。
轉蛻飛行，其類充塞。

此化生一類，由因世界顛倒，虛妄
有生。化以離應，變易、即離也。由是
變故易新，展轉不息，故成輪迴性。

假顛倒屬惑，以假托因依為假，
與不變真如相背，是名顛倒之惑，
有惑必定起業。

和合觸成，八萬四千，新故亂想：

此依惑起業，觸以觸類而變，朝秦暮楚
。愛此忘彼，故名和合觸成，即業也。
隨情任意，厭故喜新，是為新故亂想。

如是故有，化相羯南，流轉國土：

此依業受報之相。如是：指上惑業為因；故有：即有因有果。化相羯南：

此云硬肉，以蛻即成質，故無蛻相。

自此以下，皆曰羯南，以是諸類通稱也。此即所感之果。傳流展轉，徧諸國土。

轉蛻飛行：即脫故成新，此出本類之名，如蠶化為蛾，脫行為飛；雀化為蛤，脫飛為潛等，皆屬轉變，其類充塞。天、獄鬼等，亦皆化生，中陰趣果，速疾無難。

卯五 有色



由因世界，留礙輪迴，障顛倒故，
和合著成，八萬四千，精耀亂想。
如是故有，色相羯南，流轉國土。
休咎精明，其類充塞。

此有色一類，由因世界顛倒，虛妄
有生。色乃色質，性非通明，是為留礙
，遂事日月水火，為求光明色相，

展轉不息，故成輪迴性。障顛倒屬惑，

以其障礙難通，堅執求明，

與妙明真性相背，是名顛倒之惑。

和合著成，八萬四千，精耀亂想：此依

惑起業。著即顯著，或服日月之精華，

或事星辰為父母，以求感格，而獲光明

，故名和合著成，即業也。

想托彼之光華，成己之精耀，
是為精耀亂想。

如是故有，色相羯南，流轉國土：

此依業受報之相。如是：指上惑業為因
；故有：即有因有果。

色相羯南，流轉國土。

休咎精明：此出本類之名，
或為日月之精華，或作星辰之明耀。
吉者曰休徵，凶者曰咎徵。
在物而為螢火蚌珠，其類充塞。

巳二 就析詳辨



阿難，若此隣虛，析成虛空，當知虛空，出生色相。

此就析色歸空，而定合空成色。謂若此隣虛塵，既可析成虛空，自當以此例知，虛空定能出生色相，空生色相，本無是理。佛故意為難，以破和合之計，

併破此方儒宗所執，虛以生氣，氣以成形，而世間萬物，皆從陰陽之氣，所成等偽。

汝今問言：由和合故，出生世間，諸變化相。

此牒定和合因緣之執。

汝且觀此：一隣虛塵，用幾虛空，和合而有？不應(平聲)隣虛，合成隣虛。

此要阿難自己審觀，謂汝言世間諸法，和合發明；而隣虛塵，即色法之一，亦應由和合而有。汝且觀此一隣虛塵，用幾多虛空和合，而有此隣虛塵也。

色、空相異，色是有相，空是無相，佛明知空無數量，本不可合，故意舉此，以破和合之計。而隣虛塵，色法之最小者，此塵之外，更無色法可和合，除非合空而成，故問用幾虛空，和合而有。設若汝說和合，乃是合色成色，非言合空成色者，豈是隣虛，合成隣虛耶？

倘說隣虛合成隣虛，則當有三過：一者合自成自過。蓋唯有合他成自，未有合自成自者；二者合一成一過，蓋唯有合多成一，未有合一成一者；三者合細成細過，蓋唯有合細成麤，未有合細成細者。如是隣虛，既非合色所成，當是合空而有，故問其用幾虛空，和合而有？

又隣虛塵，析入空者，用幾色相，合成虛空？

此如來以析入，而難合成。良以析色歸空，是小乘之自教，諸法和合，是阿難之自語，今則順彼自教，難以自語，故又曰：隣虛塵既可析入虛空者，當知色相出生虛空，究竟用幾多色相（即隣虛塵）合成虛空？

佛明知色非合空所成，空非析色而有，故作斯難。阿難不能施辯何也？以順析入，則非和合，與自語諸法和合相違；以依和合，則非析入，與自宗析色歸空相背，兩處負墮，故默無辯。

若色合時，合色非空；若空合時，合空非色；色猶可析，空云何合？

此結申正義。若色法和合之時，合色祇能成色，決非可以成空，而空無形相，本不可合。縱許虛空和合之時，合空亦祇是成空，決非可以成色，此為一定之理。由是而觀，色空俱非和合而有也，明矣。

色猶可析，空云何合者：然又當知，色法猶可分析，觀猶可二字，析色但自析色，實非析色可以成空，空終無和合之義，何以故？無形段故，無數量故，云何可說和合耶？佛意以空不可合，則隣虛非和合而有，隣虛既非和合而有，則世間種種諸法，孰為因緣和合者，豈實義耶？

此中但以空不可合，則諸法和合而有之
執，破盡無餘矣。

已三 結顯體用



汝元不知：如來藏中，性色真空，
性空真色，清淨本然，周徧法界。

此明全體圓融。地大之色，體即法
界，色空圓融無礙，本非和合。汝阿難
固執因緣和合者，因無始覺妙智，元不
知如來藏，本覺妙理之中，無法不具，
無法不融者也。

如來藏即真心之別名，乃依理立名。

如來二字，即真心不變隨緣，隨緣不變之理，圓融無礙，含藏一切諸法，無一法不在裏許，故曰如來藏中。性色真空，性空真色者：乃指如來藏中，性徧色空，互相融即，此七大，科科皆曰如來藏中，是屬理具之七大，

當約藏中未發現者說，不同前四科，是屬事造之七大，乃為藏中已發現者說也。

問：「四科之法，何以亦目為七大？」答：「陰、入、處、界，與七大無別，但橫、豎、開、合之不同耳。約豎論，則開色陰為前六大，

合受、想、行、識四陰為識大；約橫論，則合六塵為五大，合六根為見大，合六識為識大。何嘗離七大而別有哉？」而如來先會四科即藏性，是將已發現七大，一一會歸藏性，以明即事則理，故曰本如來藏。

此科是說未發現七大，一一含具藏中，以明全性全相，故曰如來藏中；觀中字即理具事造所由分也。

問：「本科原屬地大，不言地大，而易以色字，其故何也？」

答：「地大為色法所攝，易以色字，舉其總也。」

色而稱曰性色、真色者，非指世間已發現之色，乃指藏中性具之色，真體之色，與空相融相即；色空，本屬對待，融之則性具之色，即是真體之空，豈同析色以歸空也。性具之空，即是真體之色，豈待合空以成色也。

性則言其非相，亦即理而非事也；真則言其非俗，亦即體而非用也。有以理事體用合釋者，非也。性真二字，即是理體，為色空之本。字別義同，今影互用之，若不影互應有四句，當曰性色真空，真空性色；性空真色，真色性空。總成色空融即，其義方足。

又性色、真色，非但揀異於已發現，世間麤細之色，併不同乎般若觀照，即空之色也。又性空真空，非但揀異於凡夫外道，頑斷之空，併不同乎般若觀照，即色之空也。此之色空，俱屬全體，隨心應量下，方顯大用。

清淨本然者：指如來藏，自性清淨，
不假功用，並非澄之使清，滌之使淨，
乃本來清淨，無有濁垢，藏中色空，
唯性唯真，即同體清淨也。

周徧法界者：上句約藏性，本具不變之體，此句約藏性，本具隨緣之用。未經起用，但周徧於理法界，若從體起用，自可周徧於事法界矣。起用在下一段。

隨眾生心，應所知量。

此明大用無限。用從體起，事造不離理具也。仍本如來藏，不變之體，現起隨緣之用，隨九法界眾生之緣，此眾生，即九界眾生；心以根性言，九界眾生根性，有勝劣之不同；量以知識言，九界眾生知量，有大小之不等，

此皆從平等性中，已起差別之相。若眾生，但以劣心小量致之，則所以應之以麤少之色者，固無不副其心，而無不滿其量也；若眾生，能以勝心大量致之，則所以應之以廣妙之色者，亦無不副其心，而不滿其量也。交師此解極好，併下段乃為千古獨唱，無人能出其右者。

巳四 雙拂二計



循業發現。世間無知，惑為因緣，及自然性。皆是識心，分別計度，但有言說，都無實義。

此循業發現句，不連接隨心應量下，而列入此科者，因按照以下諸大之文，分屬之本意也。又此句正是致下二惑之由，應入此科。

蓋業有染淨之分，九界眾生，依、正二報之色，皆循(隨也)業所感，而發現也。業為能發現，色為所發現，如谷應聲，如影隨形，豈唯迷位，必循染業，而後能發，即是悟人，亦須循淨業，而後能現。

交師云：此四字，雙具兩種不自在意：
一者世出世間，一切淨妙之色，若不循
彼種種淨業，雖欲發現，不可得也；
；二者三塗四惡，一切苦穢之色，若不
戒彼種種染業，雖欲不發現，不可得也
。蓋不戒即是循也。

兼表循業，則不得不發現，而二俱無自由分矣。

世間無知：指有情世間，無有正智之眾生，不了藏性，不變、隨緣二義，因循業發現，遂起因緣、自然二惑。交師謂：良以業之起也，似有由藉，故世間淺智眾生，

執此生起之近由，而遂惑為因緣性；曾不達圓融不變之體，周徧法界，何所藉於因緣。業之成也，似難改移，故世間無智眾生，執此難改之現量，而遂惑為自然性；曾不達無礙隨緣之用，隨心應量，何得泥於自然，是皆為一循業之所惑耳。

皆是識心，分別計度者：以因緣、自然二惑，皆由第六意識妄心，妄生分別，周徧計度，即徧計執性，徧計本空，故曰：但有虛妄言說，都無真實義理。言說指因緣、自然，二種戲論。和合與因緣相關，不和合與自然相關，攝在二惑中，故不別列。初地大竟。

卯六 無色



由因世界，銷散輪迴，惑顛倒故，
和合暗成，八萬四千，陰隱亂想，
如是故有，無色羯南，流轉國土，
空散銷沉，其類充塞。

此無色一類，由因世界顛倒，虛妄
有生。無色，乃滅色歸空，是為銷散。
展轉不息，故成輪迴性。

惑顛倒屬惑，以色身障礙為患。

有欲銷礙入空，與性色真空相背，
是名顛倒之惑。

和合暗成，八萬四千，陰隱亂想：

此依惑起業。暗即晦昧心靈，幽潛神識，

故名和合暗成，即業也。思欲滅色，

暗昧陰隱，是為陰隱亂想。

如是故有，無色羯南，流轉國土：

此依業感報之相。如是：指上惑業為因；故有：即有因有果。

無色羯南，流轉國土：

此類既是無色，何謂羯南？

以雖無業果色，不妨依定果色立名也。

空散銷沉：對四空天說，
空指空處，滅色歸空故；
散指識處，徧緣散亂故；
銷指無所有處，銷除七轉識故；
沉指非非想處，沉淪空海故。
以至舜若多神，旋風魍鬼等，皆無色攝，
其類充塞。

四空



癸三 四空 分五

子初 標歧除聖

二 正列四天

三 聖凡出墜

四 通分凡聖

五 結屬無色

今初



復次，阿難！從是有頂，色邊際中，
其間復有，二種歧路，若於捨心，
發明智慧，慧光圓通，便出塵界，
成阿羅漢，入菩薩乘。如是一類，
名為迴心大阿羅漢。

溫陵曰：自此而上，明無色界四天
，無業果色，有定果色，依正皆然。

四天皆依偏空修進：初、厭色依空；二、厭空依識；三、色空識三都滅，而依識性；四、依識性，以滅窮研，而不得真滅；是皆有為增上善果，未出輪迴，不成聖道者也。此將明無色界四天，先簡迴心超出也。阿難！從是色究竟天，居色界之頂，是為有頂；與無色為隣，故云色邊際中。

其間上進，復有二種歧路。因三果人，根有利鈍，其利根者，即於色究竟，捨定心中，發無漏人空智慧，慧光圓通(即圓滿)，斷盡思惑，即便超出塵界，離分段生，證偏空理，成阿羅漢；不以小果為足，進修大因，故云入菩薩乘。

其鈍根者，在色究竟天中，復由定心，
欣上厭下，滅色歸空，生無色界，此其
差別也。如是一類，即利根一類。迴心
，即迴其欣上厭下之心，頓出三界。大
阿羅漢，即迴其捨大取小心，速入大乘
；但據迹猶在聲聞，故仍稱羅漢，而以
大字揀之。初標歧除聖竟。

子二 正列四天 分四

丑初 空無邊處天

二 識無邊處天

三 無所有處天

四 非非想處天

今初



若在捨心，捨厭成就，覺身為礙，
銷礙入空。如是一類，名為空處。

此正示無色界，四空天也。若在捨
心：長水曰：捨心有二：一者、若於有
頂，用無漏道，斷惑入空，即樂定那含
也。二者、若於廣果，用有漏道，伏惑
入定，即凡夫外道也。

捨厭成就者：即厭有趣空也。覺得有身，尚是有礙，於是銷除形礙，以入於空也。溫陵曰：厭已形礙，堅修空觀。滅身歸無，即厭色依空者也。名空處定，故報生空處也。如是一類，名為空處，壽二萬大劫。四空天無業果色，故不言身形之長短也。

丑二 識無邊處天



諸礙既銷，無礙無滅，其中惟留阿賴

耶識，全於末那，半分微細。

如是一類，名為識處。

溫陵曰：諸礙既銷而無，則不依於色；無礙之喜亦滅，則不依於空。不依於色，躡前天果相；不依於空，明本天功行與果相，即是雙厭色空，惟依於識也。

。

其中惟留阿賴耶識，全於末那，半分微細者：其中於所存識中，惟留第八阿賴耶識，於全分末那，第七識中，半分微細猶存，即是厭空依識也。阿賴耶，此云藏識，但是常言而已，意顯末那識，言末那以阿賴耶為體故；末那，即第七識，此云染污依，為第六意識所依之根。

末那託六識，緣六塵，行相麤顯，托塵似有，離塵實無；今既色空俱滅，識已無托。外緣麤顯者，半分已滅唯留內緣八識。微細者，半分獨存，如是一類，名為識處定，故報生識處也。以末那為能緣心，賴耶為所緣境耳。壽四萬大劫。

丑三 無所有處天



空色既亡，識心都滅，十方寂然，
迴無攸往。如是一類，名無所有處。

初天滅色歸空，次天滅空歸識，故
曰空色既亡。識心，即指末那半分微細
猶存。此天以緣識心散，反能破定故。
憑深定力，將幽微精細之半分，亦伏不
行，故謂都滅。

是知此滅，非如羅漢，種現俱斷也。下
即定中所證境界，半分微細既盡，唯有
賴耶獨存；賴耶是無分別，惟覺十方，
寂然冥然，迴無攸往，攸即所也，不復
前進矣。此為外道，昧為冥諦之處也。
如是一類，名無所有處，色、空、識三
者，皆無所有也。壽六萬大劫。

丑四 非非想處天



識性不動，以滅窮研，於無盡中，
發宣盡性，如存不存，若盡非盡。
如是一類，名為非想、非非想處。

賴耶獨存，稱為識性。識性即是藏
性，藏性由來不動，如本經云：常住妙
明，不動周圓是也。惜彼凡天，不達斯
理，但見賴耶堅固，不可動搖，

以滅定之力，深窮研習，於無盡中，強以發宣；欲盡其性，然識性不盡有二義：一者、識性即是藏性，凡聖皆無可盡之理。二者、若約種子，則凡外未秉如來，斷種法門，終不可盡。那含，復是鈍根，亦非盡時。

此天既欲盡其性，由定力所逼，識性雖存，而不起現行。故曰如存不存，似殘燈之半滅也。雖見識性盡，其實未盡，故曰若盡非盡，似殘燈之半明也。如是一類，名為非想，非非想處天。《正脈》云：末後環師，承如存不存，以結非想；承若盡非盡，以結非非想；得其語脈矣！

蓋非想，即非有想，非非想，即非無想
耳。壽八萬大劫。二正列四天竟。

卯七 有想



由因世界，罔象輪迴，影顛倒故，
和合憶成，八萬四千，潛結亂想。

如是故有，想相羯南，流轉國土，
神鬼精靈，其類充塞。

此名有想一類，謂但有想心，
而無實色。罔象者：若有若無，
彷彿不實。緣想不息，故成輪迴性。

影顛倒屬惑，謬執影像，邪妄失真，
與法身實相相背，是名顛倒之惑。
和合憶成，八萬四千，潛結亂想：
此依惑起業。憶即愛念憶想，然後托陰，
故名和合憶成，即業也。如此世間，
志慕靈通，潛神聖蹟，結想狀貌，
是為潛結亂想。

如是故有，想相羯南，流轉國土：

此依業感報之相。神鬼精靈者：

神鬼，如嶽瀆城隍，魑、魅、魍、魎；

精靈，如山、海、風精，祠廟土地等，

其類充塞。

卯八 無想



由因世界，愚鈍輪迴，癡顛倒故，
和合頑成，八萬四千，枯槁亂想。
如是故有，無想羯南，流轉國土，
精神化為土、木、金、石，其類充塞。

此無想一類，謂但有色，而無思想。
愚昧暗鈍，毀棄聰明，屏除知識，
展轉不息，故成輪迴性。

癡顛倒屬惑，癡迷無智，謬計無情有命，金石堅牢，與妙明真心相背，是顛倒之惑。和合頑成，八萬四千，枯槁亂想：此依惑起業。冥頑無知，以無想為真修，將愚頑為至道，於無知覺處，妄生和合，故名頑成，即業也。念若死灰，心同槁木，是為枯槁亂想。

如是故有，無想羯南，流轉國土：

此依業感報之相。但有頑礙之色，

而無思想之念，故有精化土木，神為金石

，華表生精，望夫成石之類，充塞世界。

當知此等，癡心凝結，但以頑念，

化作頑物，如木枯槁，根性尚在。

頑念力銷，依然流轉，如枯木逢春，

依舊發芽，無想報盡入輪，亦此類攝。

卯九 非有色



由因世界，相待輪迴，偽顛倒故，
和合染成，八萬四千，因依亂想。
如是故有，非有色相，成色羯南，
流轉國土。諸水母等，以蝦為目，
其類充塞。

此非有色一類，謂本非有色，藉物
以成色。

互相假待，展轉不休，故有輪迴。

偽顛倒屬惑，以虛偽為心，假托形勢，
與真如實際相背，是顛倒之惑。

和合染成，八萬四千，因依亂想：

此依惑起業，迷昧天真，假藉浮偽，

任運耽染，依附成形，故名和合染成，

即業也。此如世間倚權藉勢，屈己從他，
，是為因依亂想。

如是故有，非有色相，成色羯南，
流轉國土：此依業感報之相。
本來非色相，假借外物，成己之色，
不能自用，待物有用。諸水母等，
以水沫成身，體如荳粉，狀類裊褥，
則非無色，以蝦為目，待他有用，
不能自全，故非有色。

又水母因蝦而得行，蝦因水母而有托，
遞互因依； 螭蛔依人，亦此類攝。

卯十 非無色



由因世界，相引輪迴，性顛倒故，
和合咒成，八萬四千，呼召亂想，
由是故有，非無色相，無色羯南，
流轉國土，咒咀厭生。其類充塞。

此非無色一類。謂本非有色，
因聲呼召，引發神識，則非無色相，
引之不已，故有輪迴。

性顛倒屬惑，以迷惑自性，
因隨符咒調遣，與不動真如相背，
是顛倒之惑。和合咒成，八萬四千，
呼召亂想：此依惑起業。多由邪咒呼召
，而顯靈異，故名和合咒成，即業也。
此如人間，不明正理，互相誘引，
乃隨呼召，聽令從命，是為呼召亂想。

由是故有，非無色相，無色羯南，

流轉國土：此依業感報之相。

故有隨咒咀而靈異者，稱仙稱道；

隨厭禱而作祟者，為妖為怪，斯皆邪物

，聽人驅役，報吉談凶；

如乩壇樟柳鬼等，其類充塞。

卯十一 非有想



由因世界，合妄輪迴，罔顛倒故，
和合異成，八萬四千，迴互亂想。
如是故有，非有想相，成想羯南，
流轉國土。彼蒲盧等，異質相成，
其類充塞。

此非有想一類。謂非同卵生，
想中傳命者，乃二妄相合，展轉互取，
故有輪迴。

罔顛倒屬惑，以性情罔昧，

與圓明妙性相背，是為顛倒之惑。

和合異成，八萬四千，迴互亂想：

此依惑起業。異者，將他作自，取異為同

，故名和合異成，即業也。此如世間，

背親向義，謬襲他宗，納彼從我，

相承繼嗣，本無有子，乃稱有子，

本非是父，竟認為父，同異難分。

彼此迴互，是為迴互亂想。

如是故有，非有想相，成想羯南，

流轉國土：此依業感果之相。非有想相

，成想羯南者：謂彼此異質，本非有想

，欲成其相，但以二妄相合，竟成其想

，流轉國土。彼蒲盧等，異質相成者：

蒲盧，亦名踝羸，細腰蜂也。

《詩經》云：螟蛉有子，蜾蠃負之。

螟蛉青桑蟲，蜾蠃運泥作房，負桑蟲納其中，咒祝曰：類我類我，七日化為其子。桑蟲本非有想，欲成蜾蠃之相，因其咒故，遂成其想，是為異質相成。此皆好為誣罔誘取他人財物，納為己有之報，其類充塞。

卯十二 非無想



由因世界，怨(平聲)害輪迴，殺顛倒故
，和合怪成，八萬四千，食父母想。
如是故有，非無想相，無想羯南，
流轉國土。如土梟等，附塊為兒，
及破鏡鳥，以毒樹果，抱為其子。
子成父母皆遭其食，其類充塞。

此非無想一類。原為懷怨抱恨，
圖害而來，怨結莫釋，故有輪迴。
殺顛倒屬惑，殺心不止，殺業俱生，
反托至親之父子，而行至怨之殺害，
與慈悲忍辱之理相背，是顛倒之惑。
和合怪成，八萬四千，食父母想：
此依惑起業。怪者，怪誕，出人意外，
罕見罕聞之事。

父母至親，竟敢吞食，逆天背理，
滅倫亂常，故名和合怪成，食父母想，
即業也。如是故有，非無想相，
無想羯南，流轉國土：此依因感果之相
，必由前世受人至恩至愛，
反而負恩讎害，怨對相值，報此仇恨，
故有此生，

非無想相，無想羯南者：初抱為其子，
非無恩愛之想，後父母竟遭其食，
恩愛斷絕，是為無想。出乎意外，
流轉國土，如土梟等，附土塊以為兒，
及破鏡鳥，以毒樹果，抱為其子，
子成父母皆遭其食，此雖報怨，
實屬逆罪。

按《史記孝武本紀》云：

祠黃帝用一梟，一破鏡。

孟康註曰：梟鳥名食母，破鏡獸名食父

。黃帝欲絕其類，使百祠皆用之。

今云破鏡鳥，恐譯人之誤。《述異記》

云：破鏡狀如虎豹而小，始生還食其母

，此與孟康註，食父食母，又一不同也

，錄以待考。初別列類生竟。

寅二 勒成名數



是名眾生，十二種類。

辛三 示染緣起徧成輪迴竟



大佛頂首楞嚴經正文卷第七終